

中國方志叢書·華北地方·第四六四號

據

民國·張士傑修，侯崑禾纂
民國二十三年鉛印本

影印

河南省

通許縣新志



sk61/10

成文出版社有限公司印行



10107434

中國方志叢書·華北地方·第四六四號


據

民國·張士傑修，侯崑禾纂
民國二十三年鉛印本

影印

河南省

通許縣新志



546110
成文出版社有限公司印行



10107435

中華民國六十五年 月壹一版

通許縣新志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

續修通許縣志序

吾國記述之作史學多偏於縱方志多偏於橫其能包今古羅萬象覽盛衰一
合史志爲一家者厥爲縣志蓋縣志爲一縣之史乘凡國家之盛衰政教之得失
文化之變遷社會之情況以及人心厚薄風俗淳漓土地肥磽物產盈絀與夫昆
鳥獸草木金石冠婚喪葬之儀建醮之文之志莫不備焉特是縣志古傳久一覽
如身遊其地目擊其事殆洋洋乎大觀一縣之影片也夷考其制發源於晉宋汜濫
於朱明誕及清初幾無一縣無志通許縣志初修於明正德間邑人韓玉嘉靖時知
縣陳正續修之有清一代順康雍乾四朝經知縣賈待王吳敏王定國阮龍光等四
修至乾隆辛卯而後始杳焉無聞民國以還十一年縣知事林景先委邑人蔣明存
丁自新董其事十五年秋邑中大水城內浮屠壞宇宇塌文卷蕩然志稿多遺復十
八年縣長閻受典復令邑人馬良田李登瀛爲之十九年國家多亂通許淪爲戰區
自書庫及志已無存人不知有之矣事無或二十一年秋中奉令又予修

士以文獻爲重下車之治也。宣統元年夏四方又安人樂其居方得與邦人君子修文事衆議以爲館長鄭君盛世副之侯君崑禾爲編輯主任郭君長春等任編輯楊君惠普等任採訪復得邑內外名人學士爲之助馮君良田並出向所輯官師志一冊相示同心戮力分類編纂遂以今年春成稿記述自清乾隆辛卯始至民國甲戌止書凡十四卷分上下二集一集舊志一集新志體例仿舊志而稍爲增益侯君長春爲序謂覽一志已將歷行增減各事分別簽注以備侯君點纂之參考抑尚有言者謂志記事貴在真實尤貴事可觀感故本志於無關聲教文物之藝文嚴擇慎取又舊例去任之人現尙生存雖有善政暫不登載然職官重在政事苟其人有善政可書惡愛足紀則不勝三本志於劉各縣長其人健在盛業不朽一一列其宣績道許三志半多言言餘年矣其後窮追集腋成裘其遺漏者尙不知凡幾若必拘於蓋棺之說則以後之續修不可知使再遲數十百年則海水桑田流風已杳循良之績泯沒不彰豈志意也哉是以本志

重實錄期不沒百餘年來之事實以爲有志於斯者之取材至彙新舊爲一編以集其成則惟望於後之君子此尤區區之微意耳

民國二十二年孟春信陽張士傑序

續修通許縣志序

凡文明發達極早極進步之國家其史學體例必極完備是以有約史體有博史體
吾國歷朝國史爲史體中之約者通者各省省志爲史體中之次約次通者至於各
縣之縣志則實爲史體之最博最分最詳者也凡一切物質的史類暨精神的史類
無不備載於此中噫祇觀各縣縣志即可證明吾國文明發達早於世界各國文明
進步邁於世界各國矣試考印度埃及希臘羅馬諸國概無二千年以上之詳史無
一統貫串之記載其二千年以前之著述無不是渺冥神話令人不可捉摸者乃返
考吾國如堯典舜典實四千三百年以上之政治史也其典章制度燦然俱備不惟
毫無荒誕不經之談並且一洗草昧陋簡之氣較之近五十年來歐美科學最昌明
後所發明之新史體則實無幾微之遜色獨怪不深究吾國文化之西人反一知半
解之科學家動輒誣吾國廿五史爲君主一姓之家譜爲其大臣個人之墓志銘若
歐美各國之社會史產業史經濟史等事之論吾國人爲不能知不能著述作此

言者蓋取吾各省各縣之縣志一涉獵之乎大概各縣縣志俱有輿地志非西人地
史之類乎俱有建置志非西人建築史之類乎俱有田賦志非西人經濟史之類乎
俱有禮樂志非西人宗教史哲學史之類乎俱有官師志行政志非西人政治史法
制史之類乎俱有人物志選舉志非西人教育史之類乎俱有藝文志金石志非西
人文學史之類乎俱有風土志方技志非西人社會史產業史經濟史之類乎此等
專史詳史分史體裁原爲西人近百年來所始發明者不知吾國人於數千百載以
前已能知之能作之矣至若吾通許新縣志所增設之黨務志故實志二門則尤爲
應時進化之創例爲吾人所大可躊躇滿志者縣長張公士傑言及縣教育局長鄭
君盛世二人於斯二者創造經營之力實爲獨多其能續自前清乾隆年來將近二
百年之絕業重修通許縣志則其功更爲不可泯沒鄙人不文特書數言以彰二人
之盛業民國二十三年春邑人時明荇序

續修通許縣志序

嘗謂志以記事事以志傳是志爲歷代必有之事也馬班而後著述迭作皆不越其範圍繼則唐魏王泰著括地志李吉甫著元和郡縣志宋樂史著太平寰宇記迨至明清著一統志搜羅愈廣記載愈詳洵爲記事之極外此則有省志郡志邑志之分詳略雖各不同而徵文考獻傳後信今則一也我邑自清咸同以來各匪相繼煽亂蹂躪幾遍寰區荼毒近四十年忠臣義士貞烈婦女摧鋒刃填溝壑者殊難更僕數而舊有志乘大都迭遭兵火凡建置田賦戶口官師人物以及政事文章靡不軋亡殆盡是不惟未志者沒而弗彰卽已志者亦散而莫考誠儒林之隱憂也本邑縣志自明嘉靖年間纂修後滿清屢次增修至乾隆庚寅呈三任阮公龍光再事修志迄今一百三十餘年矣其間兵燹頻仍邑乘僅存碩果而賢書繼起貞烈時聞嗟乎是黨無稱今幸革命成功元氣漸復不於此時採訪編輯竊恐世遠年湮見聞愈杳有志之士卽欲勒爲成書勢亦不能前邑侯閻公徽五有續修之議未及舉辦卽亦卸

任代任者劉公景南周公孟顏張公衡麓相繼屢辦亦未藏事至牧芸張公有利必興下車伊始卽慨然有續修之舉遂聘鄧君際隆侯君稼生等董其事並請邑內外諸名士努力將事以成一邑鉅典草創旣畢不數月而續志告成臆述事關幽遠嘉會非吾通之大幸歟然此次續修不自出新裁不變更體例仍存舊志成本復加考證缺者補之略者詳之謬者正之前功不掩積願咸伸謹於乾隆庚寅後逐類增輯凡例應記載衆口交稱者弗敢稍有遺漏並製圖例說明及各區分圖附錄之以補地志所未盡後之流覽斯志者或謂可信今可傳後兼可備異日續修郡志省志一統志之採擇焉書成特增五綱三十一目採輯於民國癸酉暮月告成於甲戌季春謹將緣起弁於簡端聊布區區之意云爾

中華民國二十三年歲次甲戌季春下浣之吉

前泌陽縣長邑人申光華謹序

續修通許縣志序

星 福盛世

縣之有縣志猶省之有通志國之有國史也夫國史取材於各省通志取材於各縣不有縣志則通志國史均無所取材焉縣志之重修豈容緩哉通許縣志失修久矣自清乾隆三十五年迄今一百三十有餘歲其間雖經林縣長環閣縣長受典一再委人重修均未脫稿今縣長張公為之於民國二十一年奉令長我通許下車伊始即以提倡教育興辦實業懲治盜匪為宗旨越明年改平人和百廢俱興乃招集各機關有重修縣志之提議僉云此舉乃千古不朽事業即公推張公為館長邑望侯稼生為編輯主任郭東軒萬貫齋劉石泉趙旭如于顯亭為編輯楊惠普婁康圖張幼廷張寶和日潤齋等為採訪員張公遂行立憲為經費設館於教育局第三室省府備案於二十二年七月一日開始工作七越月而脫稿於舊志則不刪不改但於輿地志風俗物產二目移入新志風土中建置志則增各機關田賦志則添附加稅官師志則加承審人物志則益以仕宦鄉賢儒林隱逸流寓五目但鄉賢隱逸二

通志鼎新志

目無從採訪均缺如選舉志則列舉校舉美惡文志則補以書畫金石拓片詞三
目又加實務行政風土方域故實五綱十八目經校字點纂付印分上下兩集上集
名曰舊志下集名曰新志舊志固足以稽古而新志亦可傳後矣嘗觀他縣志書或
三五十年而重修或七八十年而重修甚或至百年而重修未有如通許縣志經一
百三十有餘年而始重修者也代遠年湮稽考綦難矣無怪歷任既已重修而皆無
成幸有張縣長之提倡各士紳之襄助得以成書甚盛舉也但歷年既久成書急促
採訪難免無遺漏編輯尤甚倉卒掛漏之憾終恐難免願後之邑人士亟重修之不
易數十年後早爲之所庶不蹈歷年久而難志之愆也

續修通許縣志序

侯三禾

吾邑志書蓋矢于明正德間邑人韓君玉嘉靖癸丑邑侯陳正纂成之清代續修者再自乾隆庚寅迄今百數十年斷簡殘編櫛落散漫前雖屢擬續修然迄未成書僅遺採稿數冊輿地官師成績頗佳餘皆門類不分急待修輯百餘年制度政教之大人物文章之盛若不急爲搜括輯爲成書恐代遠年湮不惟遺老之傳聞杳無可徵即載在卷宗藏之官府猶慮兵燹餘燼不無殘缺之失次又況除專制而改共和國體之變更政治之改革人事之紛繁歐風東漸咸與維新世界潮流一瀉萬里實開四千餘年未有之奇局于時事叢集文明發展之時欲將一邑之文獻掌故彙集成編尤非若前之代有遞嬗而制無特殊者之或可採納前列連類直書之易于爲句也故此次續修縣志除田賦建置選舉諸大端之改弦更張者悉有今昔參酌之不同即輿地之大禮樂之重官師之尊人物之衆風土之變方技之術故實之多亦悉有隨潮流易舊法而改新制者他若黨務行政等志之爲前志之所不及設者更無

通志輯新志

論也邑侯張公牧芸有鑒于縣志之不容不續下車伊始即擬續修嗣因地方不靖萑苻滋擾公輒親督隊勇直搗匪穴巨盜授首餘匪逃竄現雖未能一律肅清而訓壯丁辦清鄉置聯防有警則兵民共勦無事則暗防嚴拿匪徒無所潛踪猶復查毒品整教育百廢俱舉政簡刑清遂于案牘餘暇重興去籍之感復勤起塗之心欲償宿願續修縣志與各機關會議者再公推縣長張公教育局長郭君隆章正副議長郭君東軒萬君貫齋劉君石泉于君顯廷趙君旭如田君潤齋爲編輯並徵求邑內外各宿儒之贊助而責成後學于余假教育局前院而設館焉顧縣之有志猶國之有史任大責重誠非謫陋淺嘗者所能勝任而愉快方慮汲深綆短隕越貽羞何幸同事諸君各能展其所長而邑內外之名宿碩儒亦均慷慨承認樂襄盛舉或出所緒餘惠以宏篇鉅製或多所採錄賜以舊稿新聞累牘連篇美不勝收革全縣之精華成一編之大觀殆所謂饋枵腹以膏粱綴藍縷以錦繡也其裨益于邑志之成者豈淺鮮哉是志之修于遜清退位前則廣爲搜羅茲爲摺實用昭一代之法守民國

紀元後則詳其因革端章委筆紀後天二維之大事改革二矣時其又建政大
事攷核詳明編年紀載于兩代之法制沿革悉有可徵非故于前賢續修製例外別
事鋪張揚厲也至星象之分野禮樂之美備及城池向來之築鑿舊志載之極詳無
俟贅述載筆于民國二十二年七月脫藁于二十三年元月計十三綱一百零二目
分卷十四連舊志合併付印訂爲新舊志上下兩集是編也雖于百數十年之興章
文物不能博採廣搜闡發無遺而對于兩代之易嬗政教之沿革人物之繼起均除
偏私之見秉直道之公攷訂明確證誤祛謬不爲佞史亦非謗書尙可信今而傳後
也後之攷政治而採民風者覽斯編之著述亦可備徵文考獻之一助云爾

